

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



近代中國史料叢刊第七十五輯

沈雲龍主編

張弼士君生平事略

鄭官應輯

文海出版社

有限公司印行



張弼士君生平事略

附祭哀錄



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





先考弼士府君遺像







序

官應於

張公弼士舊交也蘭誼也亦道侶也自  
弼公通道山後官應將其生平事畧  
榮典輓章彙集成帙付諸梨棗以  
誌景慕亦聊盡友誼云爾

前清廣西左江道如弟鄭官應序





張弼士君生平事略

君號弼士又號肇慶印振勳廣東潮州府大埔縣黃堂鄉人代有  
令德君父贈光祿公蘭軒太封翁為邑中名諸生秉性剛方仁慈  
在抱家貧力學曾教授鄉里循循善誘學者宗之又常以醫道濟  
人所得醫金轉贈貧病活人無算遐邇德之邑中有糾紛事得封  
翁片言立解君生英慧自小不凡與諸兄隨侍太封翁庭訓領會  
超羣一日聞太封翁講授史公貧殖傳即有感觸嘗謂親老家貧  
允宜就商輟讀太封翁就其趨向擬使之在鄉習藝君慨然曰大  
丈夫不能以文學致身通顯揚名顯親亦當破萬里浪建樹遐方  
創興實業為外國華僑生色為祖國人種增輝安能鬱鬱久居鄉

里耶太封翁聞而壯之時鄉人有在南洋起家者君聞而慕之趨  
謁諮詢有所汲引遂決圖南之志歸請命於太封翁表明志切遠  
行太封翁見其志決乃許之時年十八遂付舫放洋君天性純篤  
瀕行叩別太封翁之際猶數數回顧不忍遽行趨趨至岡邊此地  
恰與家門朝對太封翁仍倚門目送君則久立不移四目遙依自  
辰至午其天性過人有如此者父慈子孝可為鄉里大大矜式太  
封翁嘗語人曰觀此子遠遊時流露真性斷非將來騰達於外而  
不回顧家國者果不謬也時海禁初開間關險阻備嘗艱苦公不  
少却初至荷屬噶囉吧見土地膏腴最宜栽種於是察商情廣結  
交布信義從事經營創辦裕和獨資無限公司開闢荒地種植米

穀椰子

時前清同治五年即西歷一八六六年

此為君商業發軔之始君勤苦砥勵

事必躬親握算持籌尤精會計由是億則屢中措置裕如復肆力  
方言之學聯絡本地和巫人等因而聞望日隆營業暢遂君又見  
南洋各島荷人專務種植盡地利英人專闢商場與商開鑛皆獲  
大利思兼用其長乃於荷屬怡厘埠創辦裕興公司種植胡椒成  
效亦著更在英屬文東埠創辦東興公司闢商場開錫鑛皆獲厚  
利時前清光緒二十四年即西歷一八九八年君又見荷屬亞齊埠濱臨洋海航綫交  
通振興航業必操勝算創辦廣福裕昌等輪船公司君又以檳嶼  
一埠地居中要遂擇地於該埠之蓮花河建一居室並創辦萬裕  
興公司開闢荒地種植椰子樹膠雜糧各物諸利並興愈推愈廣



綜計君之創辦外洋實業仍以日里為最多結識英才又在南

洋所識者為最得力日里港主補授棉蘭瑪腰張君耀軒

廣東梅縣人前

清三品京堂民國三年嘉禾勳章乃君結識之心腹交好也君與耀軒君結識之

初早知其大器迨合伴營業更覺其心精力果故所營商業無不

共獲厚利且宅心仁厚見義勇為雖經商外域而祖國觀念常切

於懷於賑捐勸業辦學各案內疊助鉅款清廷嘉其愛國迭獎建

立專坊由同知歷擢升江西知府補用道員又江南勸業會投資

興業為內地倡清廷賞以四品京堂候補又在外洋創辦學校成

效昭著擢升至五品京堂並膺籌辦長江實業考察南洋商務大

臣之命不但名動清廷更負南洋和政府重望由棉蘭雷珍蘭擢

升至瑪腰特賞阿蘭惹拿蘇勛章榮膺和宮三十餘年政府倚若  
長城華僑供如生佛紀功鑄像勒石銘勲其功德及人有如此者  
至於慈善公益事業無論中外踴躍捐資動累千萬其勇於為善  
之心又如此耀軒君負中外重望盡人而知君有知人之明微時  
已知耀軒君為大器預立遺囑舉耀軒君為總掛沙人寄命託孤  
倚任甚重耀軒君固非常之人而君亦具非常之目溯君之初到  
日里也時前清光緒三年見該埠森林茂盛地土沃壤和人久議  
即西一千八百八十七年開闢因佐理乏人故進行遲滯且金融糧食轉運維艱君與耀軒  
君慘淡經營不遺餘力闢土植荒創辦笠旺公司種植椰子樹膠  
咖啡之種茶樹投資數百萬傭工數千人先後開闢樹膠園七八

所地廣近千里並試種華茶購新機焙製他日發達挽回利權不  
無關係又審商務盛衰全恃金融暢滯為關鍵棉蘭華商雖日趨  
繁盛而滙兌漲落操自外人乃與耀軒君特設日里銀行以調劑  
之兼為華工遞書寄款輸金錢入內地者歲以萬計而鄉曲父老  
日暮窮途遊子無方得通魚雁尤馨香禱祝也君不辭勞瘁迭創  
外洋實業者甚願安置多數華僑由是僑民有所執業至者日衆  
而君與耀軒君遂為南洋諸島華商領袖焉時荷政府以君興商  
闢地增益稅務有功地方禮遇優隆欲授以職君婉辭謝之人問  
故君曰吾華人當為祖國效力也迨光緒十九年癸巳清駐英欽  
西一八九二年  
使龔公照瑗星槎抵檳榔嶼君謁見與語龔大悅因詢西人操何

術而能使南洋諸島商務隆盛若此君曰非有他術貨殖傳不云乎因人地之宜利導教誨以法律整齊保護使人樂事勸工若水之趨下不召而自来不求而自至夫農不作則乏其食工不作則乏其用商不出則三寶絕虞不出則財匱少財匱少則山澤不闢此四者衣食之原也原大則饒原少則鮮上則富國下則富家貧富之道莫之予奪巧者有餘拙者不足此自然之驗而西人能實行之又暗合計然所言積著之理務完物無息幣使貨幣貿易便利流通此其所以能興商獲利也龔公又詢君致富又操何術君笑對曰吾於荷屬則法李克務盡地力吾於英屬則法白圭樂觀時變故人棄我取人取我與徵貴販賤操奇置贏力行動儉擇人

任時能發能收亦猶伊呂之謀孫吳用兵商鞅行法若智不足與  
權變勇不足以決斷仁不能以取子彊不能有所守終不足與學  
斯術吾服膺斯言本此為務遂致饒裕非有異術新法也龔聞之  
前執君手嘆曰君非商界中人乃天下奇才現中國貧弱盍歸救  
祖國乎君曰懷此志久矣奈南洋商務羈身何龔公乃荐於朝並  
函大學士李文忠公鴻章力言君才可大用即奏派檳榔嶼領事  
官此為君服官祖國之始展其抱負之時也明年甲午遷升星加  
波總領事官公初膺檳榔嶼領事也實心任事安撫僑民聽斷廉  
明興利除害華洋至今稱道之迨遷星加波轄地愈廣治法益繁  
公性慈祥尤復精細聽訟務盡其辭反覆開導從無抑勒兩造情

甘凡有利於僑民者竭力振興有害於地方者實心除革恩威並濟潔己奉公星埠乃繁盛之區五方雜處僑民省分不一易啟猜疑君開誠報公化除畛域悉以是非為衡莫不秉公辦理華洋口碑載道無有異辭君之善政感人深矣中東之役君輸募鉅款助

國

光緒二十三年丁酉即西曆一八九六年奉故大學士李文忠公委辦大清銀行

光緒

二十六年庚子即西曆一八九九年奉調回華隨辦商務明年辛丑奉委督辦順直

賑捐壬寅兼辦河南鄭工賑捐復委總辦佛山鐵路癸卯三月奉軍機大臣奏保人才召見二次奏對稱旨賞給侍郎銜以三品京堂候補甲辰電召進京召見三次君奏陳農工路鑛宜招商承辦招商興墾山利興墾山利種植興墾山利鑛務招商興辦水利已



墾未墾均宜籌辦水利招商設立貸耕公司招商興辦工藝僱募  
工役招商興辦鐵軌支路招徠外埠商民權度量衡園法宜歸劃  
一增設各省商官共十二條並先後奏請設立商部傳旨嘉獎賞  
給頭品頂戴補授太僕寺正卿督辦閩廣農工路鑛大臣旋命為  
考察南洋商務大臣兼檳榔嶼管學大臣君感激恩遇益思振興  
中國實業誠以外洋既辦有成效中國亟宜實力振興挽回外溢  
利權斷難湏臾稍緩乃在山東煙台創辦葡萄釀酒張裕公司獨  
出鉅貲百餘萬經之營之十餘年始克告成呈准免稅民國三年  
十一月即  
西一九一四年農商部以張裕釀酒公司成立較久貲本較鉅出品尤多  
信用尤著呈准大總統特給扁額指示優異外國商報論中國實

業大家有毅力而成績昭著者獨推君焉君充廣東總商會總理  
庚戌宣統三年西曆一九一〇年充南洋勸業會廣東出品協會總理更充全國  
商會聯合會會長極力提倡實業改良土貨務求精美嘗謂中國  
地大物博出產尤多若能製作精良必可抗衡外貨凡有推陳出  
新之品莫不極力提倡樂與商人研究間有官商隔膜下情不能  
上達者公必善為疎通保護商場至今稱頌不置計君在粵先後  
創辦則有開建金鑛公司省城亞通織布公司惠州福興玻璃公  
司平海福裕益田公司佛山裕益沙磚公司雷州普生火犁墾牧  
公司共費鉅貲數百萬適遭世變淪喪殆盡功敗垂成人咸惜之  
而君本振興中國實業之苦心即虧擲鉅貲亦夷然自得也君雖

起家高賈而熱心興學南洋檳榔嶼及香港大學堂均捐鉅款英國賞給法學博士銜以寵之且自奉儉薄衣食有如寒素敬食惜衣一粒一絲不敢遺棄惟濟人利物不惜傾囊相助計生平所辦中外慈善義舉若水旱荒災平糶賑濟築橋修路醫院善堂贈醫施藥濟生救死所有善舉靡不力為所費不下百數十萬更有可傳者所題善款數目莫不與耀軒君一律並駕齊驅人多稱異緣年前耀軒君面部起一晦點星相家均謂運限不佳又起晦點恐有險厄適君在座因而有感曰善可消災確乎不爽若能力行善事則何災不免何福不臻以後善舉最好彼此同心共同數目代為題助可乎耀軒君樂而應之曰災祥之說素不介懷而善善從

長以多為貴將來所捐善款當彼此同題君踐諾而照行之遞年  
耀軒君面部晦點頓變紅色反露陰陽紋運限雖惡安然無恙從  
此為善益力耀軒君嘗謂先哲不云乎惠我者小恩導我為善者  
大恩為善雖不存邀福免禍之心而積善餘慶理確不爽云耀軒  
君固樂善性成而君導人為善之心亦切也粵人好善君與耀軒  
君首屈一指焉又民國四年西一九一五年地方有司以君在縣屬迭助公益  
鉅款輕財仗義尤為眾所難能詳咨內務部轉請大總統給予急  
公好義扁額以昭勸勵計前清民國以來君輸款助餉籌賑募捐  
公債各項綜計亦不下二三百萬焉民國元年西一九一二年壬子奉大總統  
電召到京任命考察南洋商務籌辦內地開埠事宜工商部聘為

高等顧問

民國三年西一九一四年

甲寅任命為約法會議議員參政院參政

賞給二等嘉禾勳章并充美國實業團團長君年齡七十以上猶  
遠涉重洋往返數萬萬里藉此考求商務並與美國政府磋商聯  
合美贊本家籌辦中美銀行妥訂章程歸國報命仍照前議贊本  
壹仟萬元兩國分任君個人承認三百萬餘二佰萬由各省商會  
招募君以二國提攜合贊創辦銀行實為流通金融振興實業聯  
絡邦交之要務急於成立遂於民國五年西一九一六年丙辰四月間躬赴南  
洋各埠勸導華僑入股並考察商務及開埠各事宜冒暑遠行積  
勞成疾天不憫遺竟於是年舊曆八月十五日寅時卒於荷屬噶  
囉吧公廨君生於道光辛丑十一月初九日申時享壽七十有六

歲子八人應

光臨煇珍銘釗銓

孫九人世

登宴瑄尚構訪瑛銓培

禮成歸喪邑紳將

君生平嘉言懿行據實臚陳聯呈粵東省長朱公慶瀾轉請大總統將君生平事蹟宣付國史館立傳並採入省志奉令核准并派員赴大埔原籍致祭及賜撰墳墓碑文歸喪之日中外官商咸深悲悼執紼弔祭自吧城過檳榔嶼由星架波而至香港英荷政府皆下半旗誌哀英督暨大學堂監督俱躬親臨弔尤為親見粵省上海汕頭潮郡并開會追悼生榮死哀至君極矣按君生平商學則深得力於史公貨殖列傳故能在南洋英荷商場獨樹一幟使西人敬服且其力果其心精謀無不當事無不成致富立業實由於此又能以濟人利物為懷民生國計為務當世稱大實業家大



慈善家必首數君焉所最難者身擁厚貲不自暇逸年已垂老不  
憚焦勞無非欲提倡實業遂其救國救民之志以視卜式輸款助  
邊伏波南行報國殆有過之此志此人誠足使人聞風興起懦立  
頑廉增光國史也





大總統祭文

維

中華民國六年五月大總統特遣廣東省長朱慶瀾致祭於前參  
政院參政張君振勳之靈曰

大同世界	環球埽通	何以立國	惟富斯雄	富國之方
厥惟商戰	不有健者	孰竊其變	張君卓識	計贏稱奇
研桑修備	白圭觀時	文東鳴羅	英荷之屬	建墻種樹
其利維沃	玻璃五色	葡萄萬株	取彼新法	宏此遠謨
猗頓益池	李克地力	後來居上	廣茲貸殖	育才興學
嘉惠僑民	毀家紓難	澤及鄉鄰	報聘之行	惟資富弼

由美而英 荷蘭重歷 考察商務 溽暑遠征 流金鑠石  
遂殞厥生 提倡之功 良不可沒 靈兮有知 享此肴核  
大總統特頒前參政院參政張振勳碑文

中國據神皋廣壤開闢餘二千年凡鄰近之土寓皆其文化所漸  
被民俗樸厚居儉習勤尤它族所不及顧重鄉井不輕出其涉遠  
海殊域大抵皆見侵迫至不得已或為外族傭販漂搖羈阨困頓  
不可名狀顧以堅忍善積數十年間輒由徒手起家累貲財數百  
鉅萬者先後相望至數十萬家而尤以南洋羣島為最著星架坡  
婆羅州巫來由之屬皆華族僑民之所繇蔓百餘年來甚衆益興  
都市田疇連闕比閩駢羅紛積與歐西相抗衡可謂盛矣夫以孤

懸浮寄無著之民亘古不相統攝尚能馴致大羣熾昌如此苟有  
豪傑君子為之提倡撓召以文明之治法部勒之使寢長而爭雄  
其影响於國家烏可量邪惜乎不得其人幸而有之又不克竟其  
所為而死也如前參政院參政張君茲可為悼惜者矣君諱振勳  
字弼士廣東大埔縣人由商業起家致產數百萬前清光緒間於  
南洋各埠闢地興墾在荷屬萬羅巴埠創辦裕和公司種植米穀  
椰子在怡厘埠種植胡椒在日裏埠種植樹膠椰子加非茶樹並  
設日麗銀行在英屬文東埠建置商場採辦錫鑛而在檳榔嶼種  
椰尤盛其歸國所興創者則有芝罘張裕釀酒公司廣州裕益砂  
磚公司亞通織布公司福興玻璃公司雷州普生機器火犁墾牧



公司福裕塩田公司皆取外國新法灌輸吾國開通風氣振興實業經營十餘年成效昭著光緒癸巳經出使英國大臣龔照瑗委為駐檳榔嶼領事官甲寅調星架坡總領事官庚子大學士李鴻章奏調回華隨辦商務委任督辦順直賑捐總辦佛山鐵路癸卯三月召見特賞侍郎銜以三品京堂候補旋加頭品頂戴補授太僕寺卿充督辦閩廣農工路鑛大臣庚戌南洋勸業會充廣東出品協會總理民國成立前大總統電召入都任命考察南洋商務籌辦內地開埠事宜三年任命為約法會議議員參政院參政給予二等嘉禾章歷充全國商會會長廣東商會總理凡有關僑民之生計實業之企畫無不諏訪於君中外屬望咸欲叩其夙蓄迪